

LES GRANDS CLASSIQUES



Poésie Française : 1^{er} site français de poésie

[Tous les auteurs \(/lesgrandsclassiques/Author\)](/lesgrandsclassiques/Author) [Poème au hasard \(/lesgrandsclassiques/Poemes\)](/lesgrandsclassiques/Poemes)

Pierre de RONSARD ()

1524 - 1585

Mignonne, allons voir si la rose

A Cassandre

Mignonne, allons voir si la rose

Qui ce matin avoit desclose

Sa robe de pourpre au Soleil,

A point perdu ceste vesprée

Les plis de sa robe pourprée,

Et son teint au vostre pareil.

Las ! voyez comme en peu d'espace,

Mignonne, elle a dessus la place

Las ! las ses beautez laissé cheoir !

Ô vrayment marastre Nature,

Puis qu'une telle fleur ne dure

Que du matin jusques au soir !

Donc, si vous me croyez, mignonne,

Tandis que vostre âge fleuronne

En sa plus verte nouveauté,

Cueillez, cueillez vostre jeunesse :

Comme à ceste fleur la vieillesse

Fera ternir vostre beauté.

Poésie Française © 1996 - 2017. Ce site vous est offert par la société Webnet (<http://www.webnet.fr/>). Tous droits réservés.